



## ONA TILI DARSLARIDA O`QUVCHILAR FAOLLIGINI OSHIRISH USULLARI

**Usanova Risolat Isakovna**

*Toshkent shahar Olmazor tumani*

*46- umumiy o'rta ta'lim maktabining Boshlang'ich sinf o'qituvchisi*

**Maxkamova Gulira'no Abduraxmanovna**

*Toshkent shahar Olmazor tumani 111- sonli umumiy o'rta ta'lim maktabining  
boshlang'ich sinf o'qituvchisi*

**Annotatsiya:** Mazkur maqolada ta'lim tizimida ona tili darslari orqali o'quvchilarning faolligini oshirishning ilmiy-nazariy xususiyatlari yoritib berilgan.

**Kalit so'zlar:** Ta'lim tizimi, ona tili va adabiyot, metodika, pedagog, grammatika.

Til o`qitishda asosiy maqsad o`quvchilarda nutqiy ko`nikmalarni hosil qilish ekan, bizning fikrimizcha, darslikda sof grammatik mashqlar qatorida fikrni to`g`ri ifodalash yo`lyo`riqlarini o`rgatuvchi nutqiy topshiriqlardan iborat mashqlar ko`proq bo`lishi kerak. Masalan, buyruq maylidagi fe`llarni nutqda qo`llashni o`rgatishda "O`qituvchingiz darsda qandat buyruq va topshiriqlar berishi haqida gapirib bering" degan topshiriqli mashq berishi mumkin. Yoki fe`lning majhul nisbati ustida ishlashda "Shanbalik natijasida bajarilgan ishlarni birma-bir aytib bering" kabi topshiriqli mashqni bajargan o`quvchilar o`rganilayotgan materialning hayotda zarurligini his qiladilar va bu fe`l shakllarini o`z nutqlarida qo`llashga odatlanadilar. Xuddi shuningdek, hozirgi-kelasi zamon fe`llarini tuslash, ya`ni shaxs-son qo`shimchalarini to`g`ri qo`llashni o`rgatishda "Matndagi o`quvchi o`z kun tartibi bo`yicha qilgan ish-harakatlarni siz ham har kuni bajarishingizni aytинг" degan topshiriqni bajarish uchun o`quvchi matnda III shaxsda qo`llangan fe`llarni I shaxs shakliga soladi. Ushbu fe`l shaklining amaliyotdagi ahamiyatini anglash natijasida o`quvchilarning ona-tili darslariga qiziqishi oshadi.

Yuqoridagi kabi topshiriqli nutqiy mashqlarni asosini mazmun ifodasi tashkil etadi. Avvalgi darsliklarda ananaviy bo`lgan "Gap tuzing" yoki "Matn tuzing" kabi topshiriqli mashqlarda esa ma`no ifodalash emas, shaklni qo`llash vazifasi qo`yiladi. Tabiiyki, bunday topshiriqni bajarishda ma`noviy vazifa yo`qligi sababli o`quvchida stimul bo`lmay, u bu ishni nima uchun bajarish kerakligini his etmaydi. Metodik qonun- qoidalarga ko`ra o`quvchidan bir amalni bajarishni talab qilishdan avval bu amalni bajarish yo`l-yo`riqlarini o`rgatish va buning uchun zarur bo`lgan bilimni berish lozim. Masalan, o`quvchiga matn tuzish vazifasi topshirilganda unga qanday qolipdagi qaysi shakl va mazmundagi matnni tuzishi haqida aniq ko`rsatma berilishi kerak. Bundan tashqari, avval matn tuzishni o`rgatish, ya`ni matn tarkibidagi jumلالарни qo`llashda mantiqiy izchillikka rioya qilish, matn qismlarini



bir-biriga bog`lovchi vositalarni qo`llash hamda matn rejasini tuzishni o`rgatish zarur. Shundan keyinbgina o`quvchidan matnni tuzishni talab qilsa bo`ladi. Qolaversa, matn ham turlicha ( dialog, monolog, polilog ) shaklda bo`ladi. Dialog yoki polilog shaklidagi matn nafaqat savol-javob, balki bir shaxs bildirgan fikrni ikkinchi shaxs tasdiqlashi, qisman yoki to`la ma`qullashi, qo`shimcha qilishi yoki e`tiroz bildirishini ifodalovchi jumlalardan iborat bo`lishi mumkin. Ana shu jumlalarning har biri turli darajalardagi ma`no ifodasiga ( kuchli, o`rta kuchli yoki kuchsiz ) ega bo`lishi mumkin. Masalan, e`tiroz bildirishda:

- Yo`q, bu mutlaqo noto`g`ri, bu fikrga qo`shila olmaymiz.
- Bu fikrga qo`shilish qiyin.
- Bu haqida biz hali bir to`xtamga kelganimiz yo`q.
- Bu masalani biz atroficha o`rganib chiqishimiz kerak, hozir aniq bir narsa deya olmaymiz.
- Fikringiz to`g`rib o`lishi mumkin, ammo bizda boshqacha taklif ham yo`q emas.

Maqsad kelajak uchun so`zamol, o`z sohasi yuzasidan turli bahs-munozarada faol ishtirok etadigan mutaxassislar tayyorlash ekan, maktabdanoq o`quvchilarga ona tili darslarida yuqorida kabi jumlalarni o`rgatish zarur. Hozirgi chet eldag'i ona tili darsliklarida Grammatik darsliklar bilan bir qatorda nutqiy mashqlar ham yetarli darajada beriladi. Amerikaning esa ko`p o`quv muassasalarida ona tili bo`yicha til darslari alohida, nutq o`stirish darslari alohida o`tkazilar ekan. Ishonamizki, " Kadrlar tayyorlash milliy dasturi " talablarni bajarish uchun yuqorida qayd etilganidek, yo`l tutish maqsadga muvofiq ekanligini tushungan holda dastur va darsliklarni takomillashtirish va qayta nashr etishda nitqoy mashqlarga katta e`tibor beriladi.

Lotin imlosiga asoslangan o`zbek alifbosiga o`tish munosabati bilan ona tili ta`limi maqsadi vazifalari va mazmunida o`zgarishlar yuz berdi. Mazkur masala bilan bog`liq barcha me`yoriy hujjatlarda ona tili darslarida o`quvchilarni foydali o`z faoliyatida kerakli bo`ladigan zaruriy bilimlar bilan qurollantirish, ularda og`zaki va yozma nutqit ko`nikma va malakalarni hosil qilish ko`zda tutilgan. Ilmiy metodik mashqlarda tilning boshqa sathlari bo`yicha ko`plab maqolalar chop etilyapti, ammo negadir fonetika ustida ishlashga kam e`tibor berilyapti.

Talaffuz masalasi boshqa tillarda yetarlicha o`rganilyapti. Jahon tajribasidan ma`lumki, ona tili darsliklarida o`quvchilarni talaffuzga o`rgatish uchun fonetik mashqlar yetarlicha kiritilgan. Ammo o`zbek tili ta`limida, hattoki ta`limning filologlar tayyorlovchi fakultetlari uchun chop etilgan darslik va qo`llanmalarda ham tovushlarning talqin holati aks etgan maxsus chizmalar yo`q. O`zbek tiliga xos bo`lgan ayrim tovushlarning to`g`ri talaffuzini o`rgatish uchun bunday mashqlar



juda zarur. Muammoning bosh sababi umumta`lim mакtablarda ona tili o`qitish masalasiga borib taqaladi. Ma`lumki, to`g`ri talaffuz - madaniyatlik belgisi hisoblanadi.

Xulosa sifatida aytish mumkinki Məktəbda ona tili o`qitishdan maqsad o`quvchilarda ezgu ma`naviyatni shakllantirishdan iboratligidir. Bas shunday ekan, adabiy ta"ldan komil shaxsni shakllantirish talab qilinadi. Adabiy ta"limning vazifalari sifatida: oddiy o`quvchidan kitobxon o`quvchi, anglaydigan o`quvchidan o`qiganlarini anglaydigan o`quvchi, anglaydigan o`quvchidan tahlillay oladigan o`quvchi, tahlil qila biladigan o`quvchidan muayyan asar haqidagi fikrini og`zaki va yozma tarzda qiynalmay ifoda eta oladigan o`quvchi tarbiyalashdir, deb belgilanishi lozim. Ona tili o`qitishning mazmuni dastur, darslik, o`quv va metodik adabiyotlar, ko`rgazmali qurollar, yordamchi vositalar ham ta"lim mazmunini tashkil etadi.

### **FOYDALANILGAN ADABIYOTLAR:**

1. Yo`ldashev.Q va boshqalar Adabiyot o`qitish metodikasi. – T.: 1994.
2. Mahfuza To"ychiyeva " Adabiyot darsliklaridagi savol topshiriqlar haqida" Til va adabiyot ta"limi, 2005-yil 3-son
3. To`xliyev B. Adabiyot o`qitish metodikasi – T.: Yangi asr avlod, 2007.